

度
支
奏
議

度支奏議卷之三十三

新編目録

題明餉院職入職出疏

覆島帥黃龍請餉疏

覆永鎮暫給折色疏

覆川省協濟滇餉原數疏

覆楚撫解過援兵餉銀疏

覆昌平陳總兵請增援登舊軍月餉疏

覆山永楊撫條議永鎮糧運事宜疏

覆江西解撫題報原留遼餉解部疏

覆關外豆折買馬疏

覆河南留餉疏

覆島帥黃龍請糧餉布花疏

覆貴州梁巡按題留生員優免疏

題預徵六年加派三分疏

覆錢法堂題請南部解還代進制錢疏

覆議南陽量免新派三釐疏

覆山東留餉疏

覆議東省留餉疏

題催五年分新舊兩餉文冊疏

覆永鎮經制疏

度支奏議卷之三十二

太子太保戶部尚書潘青舉自嚴視草

題明餉院職入職出疏

題爲會明原題以昭職掌事專理新餉山東清吏
司案呈崇禎五年八月初八日准督餉御史王
邦柱手本前事內開本年七月十六日准戶部
專理新餉司手本會送原題抄稿爲繁文無裨
實用等事內開一款冊報之例宜酌也各鎮報
冊多少互異要之係查覈衙門不厭詳係相關

衙門不妨畧相應酌定報戶部正堂本折
一本簡明冊一本左堂舊餉細冊一本簡明冊
一本右堂新餉細冊一本簡明冊一本新餉堂
免送舊餉冊舊餉堂免送新餉冊正堂冊俱發
司司冊不必重造戶科簡明冊一本查覈戶科
細冊一本兵部簡明冊一本兵科簡明冊一本
查覈兵科細冊一本以上有事衙門例應覆奏
故用細冊餘皆簡明其有不必造送者如總督
倉場京通之外不問邊鎮天津撫院轉運本色

止取收管餉院職其入不職其出總鎮止司兵
而不司餉舊例有送冊者有不送冊者似宜一
槩從省可也等因先于本年五月十七日已奉
明旨矣欽此備查前議內云各鎮者不知指各餉司
而言抑指各營伍而言如係餉司凡有新餉則
本院差終

奏繳例有收放本折冊

進呈

御覽貴部既議不必送冊至

奏繳之日前冊應用與否本院難以自定備會
司去後今准會覆查得既云各鎮則餉司自在
其中然所云舊例有送有不送似宜一槩從省
者專指月報季報而言若

奏繳之冊不在所省之例斷不以省繁文而碍貴
院之

奏繳本司一面呈堂外祈貴院臨期移會餉司造
報等因到院准此爲照本差督理新餉欽奉

初書有曰凡起解本折轉運舟車酌派召買支銷錢

糧聽爾查叅又曰遼左餉司道將並聽弔查管
收除在之數不合者如法叅駁欽遵在案再照
本差臨庫監察收放舊例差滿

奏繳則有收銀冊放銀冊天津海運收發本色冊
各邊鎮收放本折冊彙造

進呈

邵覽及送各部科院成案具存從來每差皆然匪朝
伊夕矣今貴部之議曰職其入不職其出則凡
新庫之收放省直州縣之開銷海運本色之發

數餉司本折之收放皆出也應職與否又如
司所謂斷不以省繁文而碍

奏繳者想已計及此矣蓋

簡書可畏惟仰稟

成命以周旋而部議適聞又還思官守而跋躋倘出
入之誼不剖則從違之路俱非職掌攸關何得
汶汶從事相應移會煩照來文事理明白開示
過院以便遵守等因到司准此查得本部原題
原爲月報季報餉院無題覆之例可以從省而

職入不職出之語則辭之害意也該院既以
勅書爲辭本部原題作何更正呈奉堂批餉院持議
甚確則前所云職入不職出者雖指月報一事
而言真以辭害意矣卽疏題改正奉此相應題
明改正案呈到部該臣等看得臣部繁文無裨
實用一疏因各鎮報冊煩冗奉

旨同兵部裁減者也故凡可省處無不從省因查餉
臣於各鎮月季報冊例無題覆故於報冊之例
定酌一款中議令月季一槩從省若各衙門

奏繳俱遵舊例於前疏另款內已詳之矣止中有
職人不職出一語妄意督餉一差省直催科藉
斧斧之威靈速于流水實乃入之權重於出未
思新餉收放賴直指之彈壓肅若秋霜無亦出
之罪等於入者也

勅書開載甚明

奏繳綜核不爽卽餉臣奉

勅從事不以臣言而少有齟齬然而一字之誤亦關
職掌一言之訛亦垂 睹聽宜餉臣之反覆會同

也倉卒具疏猶謂無當臣部無所辭罪相應題
明更正將臣前疏職其人不職其出改職其入
仍職其出庶文義通而職掌明矣伏乞

命下臣部移文各該衙門遵奉施行

崇禎五年九月初一日具

題本月初四日奉

聖旨知道了欽此

覆島帥黃龍請餉疏

題爲海運時日有限鮮糧督發難專伏乞

乾斷明示畫一以便遵行事專理新餉山東清吏司
案呈崇禎五年九月初五日准兵部咨送蒙

御前發下紅本該東江總兵官黃龍奏前事內開
於七月初四日具有預計島糧額運一文差官
朱一元投部謂海外額有登津二運今登運已
爲叛阻津運業有定額若津執六萬鮮糧之成
數必不能干額外加盈島安能以萬有五千之

餘衆僅僅於數內取足計其程米本年該島糧
共九萬二千有零呈乞本部題明并咨會天津
部院總于津糧截漕內乘時運給庶冬春不致
有虞癸之虞等因備呈去後今接本部接濟鄭
重之文斟酌島運計

國深心無踰此者但以六萬六千之津運尚從中
而議盈議縮意者尚未計及于登運之不惜耶
夏月波恬浪靜秋深浪勁風高航海乘時固其
宜也如必曰每月量發五千石爲運期鄭重計

則冬春臘月之間寒沍冰膠島人其肯甘心餓
斃乎臣竊計之

皇上議接濟而詢及島情臣因悉島情而深言接濟
從來曰足兵足食而民信蓋謂食足而後心孚
古來然矣臣一南人也獨處遼人稠中寧敢謂
遼人之心皆臣心乎又寧敢謂千萬人之心始
終皆一心乎惟據今日之調停布置意向無他
則遂其所生卽是聯其異念除飽煖外無他情
狀所以臣前疏更有花布之

請也總之此一島人也若以爲膜外駢指則饑而餓之飽而饑之其聚散存亡俱付之不問可也若尚以爲臂指之用則今日與釜明日與庾徂秋而冬又安能足其食而固其心哉且向來海外之兵大約商運資其不足今商糧不通官運復嗇異日脫巾之變蓋智不及弭而勇不及禦情勢所必至者臣孤忠自許固惟知盡此七尺之軀報我

皇上然島事之復壞不可再支莫謂臣今日不言也

伏乞

皇上勅下部議查臣冊報實額計兵計米并

勅天津部院合登津鮮糧乘時速運庶幾暢

皇上撫恤之

威靈而永堅島人同讎之念乎等因本年九月初四

日奉

聖旨該部看議速覆欽此欽遵該兵部備咨將

紅本封送到部又准兵部咨爲萊圍一朝頻解

聖斷真出萬全請乘破竹之勢以收蕩平之功事題

襄山東巡按謝三賓題前事內屢稱津兵供
賊所深知卽有亦不堪用但能用島衆又何難
于津兵今島衆啼饑呼庚津撫鄭宗周有揭到
部亦力爲請餉此則鼓舞島衆之大機所望計
部之速爲接濟等因本年九月初四日奉

聖旨東師進取恢登殲叛機宜著撫監鎮按各官整
律定謀周防銳發不得疎率致墮誘伏亦不得逗
緩誘卸縱賊負隅島兵人船原衆截扼有餘著嚴
飭黃龍恪遵屢旨布置偵備設計遏殲勿令窮寇

通突所需島餉著戶部作速撥發不許稽誤津鎮
關門首屬要害著各該撫鎮勵兵嚴禦守信固圉
所有水師依議免調其淮揚等處及一應沿海地
方都著該管官整旅防務期無瑕可伺有犯必
摧如有疎泄失事定從重治爾部通行馳飭欽此
欽遵合咨戶部卽將所需島餉作速撥發等因
到部又准天津部院鄭宗周揭帖爲速酌軍需
以固兵心以弭隱憂事內開今天下所可憂者
一在奴孽一在登叛問誰北拒奴南扼登使內

憂外患不至一旦潰決而不可爲者非無兵乎
夫天下之安危在島兵島兵之安危在月餉今
總兵黃龍大聲疾呼旣以然自誓而通判魏氏
表呼

天槍地一字一血若島餉不足則島兵必變島旅不寧
則奴與叛必合夫至奴與叛通而天下事尚可
言乎今海冰將結時日已過津船甚少飛渡實
難且鮮運業已告完職儘可相安無言第登叛
未滅其憂在近卽登叛就滅而奴氛未剪其可

憂更在遠伏乞

勅下戶兵二部從長酌議深計久安之策等因到部
俱送到司查本年原派津運島糧六萬五千九
百零八石除去年預運過六千石外自本年夏
月以來先該津撫發運過三萬石又關門代運
過三千石東省督臣運發過一千七百石續于
七月二十一日本部覆津撫海運九月停止一
疏議令津門再發米二萬石東省于留餉內酌
發折色月餉等因奉

聖旨島糧折色著朱大典于山東留餉內酌給本色
米乘今秋氣未深著鄭宗周照數發運接濟仍嚴
飭運官加意防範毋致疎虞欽此八月內又覆該
鎮黃龍預計額運一疏續議找發米五千二百
八石以完五年津運之額仍照上年之例預運
米六千石以濟明春之需八月十六日奉

聖旨依議仍著該撫傳飭該鎮按兵計食裒益樽留
以備緩急不得一任糜冒但請轉輸欽此俱經通
行遵照去後今津撫揭稱鮮運業已告完是前

後題發糧石俱已運發無疑矣黃龍拜疏在七月于時尚未知耳今兵部咨送

紅本并津撫咨揭前因相應併覆案呈到部該臣等看得萊圍一解軍氣鼓銳從此相機進勦使登賊進不能設伏誘我退不能憑城自固惟有遁而走海耳島帥黃龍扼要堵截據稱遣將帶兵黃城廟島批其咽喉親自按兵恭順以成率然之勢此正該鎮建功立業之秋而島衆赤心白意之會也一切島糧臣部始終鄭重始終接濟

查本年鮮運先是臣部題發者已足六萬六千之數又有預運之六千石又有布花之各一萬疋斤又行東省措給折色月餉今該鎮何止以三萬五千見告豈津運尚未到臣部之題發尚未聞耶津運告完島餉亦足若所云代補登餉者則前此原未嘗言及臣部固不能預爲籌也且旅順僅得見兵七八千耳其餘散居各島者大都自食其力又安能必其名名見在耶臣部前疏已詳言之矣但今日叛賊已敗用島愈急

故島人之呼者愈急而代島人之呼者亦愈急
臣部始于六萬之中酌陸續今不得不于九萬
之中酌盈縮也無已再行津門于預截明年關
寧米內再撥發一萬石於重陽後風帆之便速
行運給前後通計連客歲預發者業已八萬二
千餘石其于該鎮呼籲九萬之數所爭僅萬石
耳折色月餉據揭稱尚無分毫懸望甚切合無
行催東省查照原題于留餉中速行酌濟以固
結其心則島衆授食授衣無非

朝廷解推之賜有不能要賊歸路仰副

聖明偵備遏殲之責成者其將何以自解矣既經具
奏并咨揭前來相應覆

請恭候

命下臣部移文各該衙門遵奉施行

崇禎五年九月初七日具

題本月初九日奉

聖旨奏內續發島糧著鄭宗周如數作速運給仍將
起發日期併取實收報部據報鮮遲已足黃龍止

稱三萬五千是何緣故也著查明來說其折色月
餉著朱大典遵旨于留餉內速行酌濟仍著黃龍
督勵將士嚴偵周備控扼嚴掃以奏全績該部知
道欽此

覆永鎮暫給折色疏

題爲本色缺需請祈趁時補運以免中斷事專理
新餉山東清吏司案呈崇禎五年九月初四日
奉本部送戶科抄出監視東協太監張國元題
前事內開永鎮軍需自今歲八月起至明年四
月新運到日止十一營兵丁共該米八萬九百
五十九石五斗除今歲津運八萬支放外所存
止有四萬石尚少四萬餘不得不委曲調停者
也今所藉者召買召買不可得則目下不若以

折色給之留本色以接濟窮春此乃因人情
緩急以衡量物價之重輕正欲爲司農佐持籌
一著也蓋目下秋成之後給以折色則價稍省
而人樂從若待來春騰貴之時本色既盡折色
更難議矣既經餉臣撫臣酌議妥當伏乞

勅下該部預酌發給等因五年九月初四日奉

聖旨該部看議速奏欽此欽遵抄出到部送司相應
酌覆案呈到部該臣等看得軍需實用則本色
便轉運則折色便給折於緩而移本于急要在

因軍情之便酌物情之宜耳永鎮海運八萬除
支至四萬外自本年八月起扣至明年四月止
共需米八萬餘石計數尚少四萬餘石係預計
明年之數也此項取之津門而津門無額外之
積取之召買而目前有騰貴之虞該餉司監視
委曲調停趁今漕米踵至各軍連支本色不若
暫給折色二三月所餘本色以省明春之預計
是亦軍心之樂從而籌餉之便計也但查天津
召買米價每石折銀一兩去歲秦兵關外折給

止于每石折銀八錢係兵道陳新甲節省之數
是在撫監司道酌量時值自爲折衷耳既經監
視具題前來相應覆

請恭候

命下容臣部另發折色銀三萬兩委官押運永鎮餉
司酌量折給報部查銷施行

崇禎五年九月初七日具題本月初十日奉

聖旨這永鎮月餉依議暫給折色仍著該管官酌估
價值報部查銷欽此

覆川省協濟滇餉原數疏

題爲秦兵起發在途督臣檄行停止并

請裁定濟滇銀兩以便起解事專理新餉山東清吏
司案呈崇禎五年八月二十八日奉本部送戶
科抄出四川巡撫劉漢儒題前事內開蜀省五
年分地畝銀兩部議撥一萬兩給秦兵行糧餘
銀卽解滇接濟以充軍興之用近據布政司詳
報五年地畝銀一十六萬一千七百九十一兩
未奉部撥解滇之先已二次差官李孝何繼光

共領解過七萬八千五百三十七兩九錢赴部
上納又差官曾三省領解一萬兩赴忠州收貯
聽給秦兵行糧餘銀七萬三千二百五十三兩
零似應盡解滇中接濟無容再計近准督餉御
史王邦柱差役樊有文守催前項京餉甚迫臣
子急公之義無論解京解滇總爲

朝廷封疆况來差跋涉萬里專專催解則京餉之急
需可知也臣不得不權互于未解七萬之數內
再動二萬兩同措動五年生員優免銀二萬兩

共四萬兩以速餉差之行以濟戶部之急今滇
事少緩五年未解地畝銀五萬餘兩或仍遵
前旨解滇或別有定

等理合一并具題伏乞

勅下該部議履行臣等遵照以便督催起解等因本
年八月二十六日奉

聖旨該部知道欽此欽遵抄出到部送司查八月初
旬先奉本部送准四川劉巡撫咨同前事等因
到部奉批新餉司速議回咨奉此查本年三

月初一日該本部題覆滇紳與仲儀等進商
烟燭張一疏內開四川石砭土兵見議征調奉
旨著該督撫按措發行糧則固有不得不爲通融者
合無將川省五年分解部撥餉內量撥一萬兩
除給石砭應援土兵所需行糧外餘銀卽解滇
接濟以充軍興之用此就所撥一萬之內除給
土兵行糧而言非一萬之外更有所謂餘銀也
等因呈奉堂批目今滇事漸平卽川兵亦免調
矣雖有留餉一萬且無所用之安得再以五萬

遼餉付滇也原疏細玩自明移咨速催解部奉
此隨於八月十七日移咨該省催解在案今該
撫具題前因相應題覆案呈到部該臣等看得
滇因勦普需餉不貲臣部業將楚黔新餉撥發
接濟矣又因欲調川兵臣部覆疏云於川省解
部遼餉內量撥一萬兩除石砫應援土兵行糧
外餘銀卽解滇接濟是明就所撥萬兩之內除
去行糧而言也乃該撫悞認一萬之外爲餘銀
而欲以未解五萬有奇之遼餉盡解滇省則大

失原題之意矣除經據咨聲說明白檄催照
解部外今既具題前來相應具覆亟催星速解
部以濟薊遼之急者也恭候

命下臣部移文四川撫按司并咨滇省督撫衙門
遵奉施行

崇禎五年九月十一具

題本月十五日奉

聖旨是欽此

覆昌平陳總兵請增援登舊軍月餉疏

題爲月餉先奉有到彼支給之

旨餉部近復行聽解昌鎮之文東省停支官軍難待
懇乞

聖明軫念遠征窮戍

特勅戶部速覆給發以急救軍命事專理新餉山東
清吏司案呈崇禎五年九月十一日奉本部送
戶科抄出昌鎮總兵官陳洪範題前事內稱舊
軍月餉卽不能與於新兵一兩五錢之例亦可

照山東召募土著月食一兩二錢新舊正糧仍
在東省支食准留昌餉抵部銷筭或聽解本鎮
立令昌平速解軍前以濟急需其後調募前鋒
各官丁數十員著薪廩行塩行令該省撫按及
監視諸臣查舉人人在征除已支六七月分外
以後仍准照例支給庶不失戰士報效之心等
因本年九月初十日酉時奉

聖旨東省援兵月餉於該省支給已有旨了其舊兵
餉銀及後募官丁薪廩行塩事情該部查議遵覆

欽此欽遵到部送司相應議覆案呈到部該臣
等看得昌鎮援萊官軍新舊月餉俱于東省支
給業經題奉

欽依通行在案第舊兵月餉舊例僅月米二石若遇
折給者不過七錢少則四錢五分止矣蓋兵分
新舊餉分差等各軍亦久安於固然而赴援東
省其苦雜均厚薄相形難免缺望且米折僅得
如許勢不免於枵腹也今該鎮陳洪範疏云收
功已半底定不遠欲比照山東召募土著月食

一兩二錢之例權給數月以濟實惠則投膠挑
糧量從優給俾三軍用命速奏蕩平亦今日鼓
勵之權權也相應始從所請自九月爲始請照
山東舊章主著例每軍月給餉銀一兩二錢以
壯敵愾使旆旋回鎮之日自有本等舊例不得
藉口生覊礙也至于後募官丁數十員名旣係
前鋒堪用薪原行塩自應酌給但原領新舊二
兵豈無處以事故或補原伍違支或扣曠缺奏
養似不妨手額內通融如果不敷方行另給通

聽撫按查驗官丁詳覈酌行無開濫觴之漸可
也既經該鎮具題前來相應覆

請恭候

命下臣部行文各該衙門遵奉施行

崇禎五年九月十三日具

題本月十四日奉

聖旨舊兵赴援勞苦准每月給餉銀一兩二錢九月
爲始後募官丁旣稱堪用薪廩等項依議通融酌
給但須鼓銳同仇速剿叛逆不得老師糜餉致誤

前功兵部還行馳飭欽此

覆楚撫解過援兵餉銀疏

題爲恭報解過援兵餉銀以便抵銷事專理新餉
山東清吏司案呈崇禎五年六月十三日奉本
部送戶科抄出湖廣巡撫魏光緒題前事開報
解過援兵餉銀并借部解補完欠各數自緣繇
本年六月十一日奉

聖旨知道了內借部還過數自參差及藩工補庫銀
兩俱著該部查明覆奏欽此欽遵抄出到部送司
查得楚省援餉支解借還每多參差碍難清美

查取各營冊與部冊省冊各行磨搓始得窺會
已經查明相應具覆案呈到部該臣等查看得
楚兵入援分信通鎮者總兵高勲官兵二千七
十八員名自崇禎三年三月二十一起至四
年八月二十三日回省止實領過楚解銀五萬
三千五百五十九兩七錢五分五釐該撫疏開
與該營冊報數目相符業經銷美其分信遵陽
者副總兵陳學貫官兵二千九十二員名自三
年七月初一日起至四年閏十一月終止實領

過楚解并部借銀六萬九千二百二十七兩一錢七分八釐較之楚撫疏開該餉七萬一千七百二十兩六錢四分營冊少領銀二千三百九十三兩四錢六分二釐然內中洪撫止解過銀五千八百四十一兩三錢一分七釐借過臣部新餉銀一萬二千五十一兩一錢舊餉四千兩卽魏撫疏稱舊撫洪如鍾解過併借戶部銀給發共二萬一千八百九十二兩四錢一分七釐之數也計魏撫應解者尚該八萬三千三百八

十五兩八錢六分一釐乃魏撫止云任內應解
四萬九千八百二十餘兩者是併臣部借餉竟
作該省解數矣此借還數目參差之大端也繼
而該營續收魏撫解到銀四萬四千九十五兩
九錢六分六釐又楚解布花項下存剩銀一百
五十四兩抵給月餉該撫疏冊雖未并入然係
楚解剩餘應作楚餉之數外尚不放額復借遵
庫新餉銀三千八十四兩七錢九分五釐調防
宣鎮叅將張景珠自三年八月二十一起至

四年二月二十五日止實在官兵九百一十四員名自四年二月二十六日起至本年閏十一月止屬叅將朱化龍管轄除陣亡逃失外實在官兵七百二十三員名前後實領過楚解并部借銀二萬一百七十三兩六錢二分今魏撫疏稱前後共該銀一萬八千四百六十餘兩者因陣亡官員未詳確數槩以散兵計餉月約八百六十餘兩不知每月實支一千一百五十八兩九錢少筭額餉一千七百七十餘兩此又解還

數目參差之一端也內該營收過洪撫解存銀
八千六百八十五兩四錢二分又續收魏撫解
過銀九千八百五十五兩四錢又除該撫所解
布花項下存剩銀九十八兩二錢抵作月餉該
撫疏冊雖未筭入然係楚解剩餘應作楚餉之
數外尚不敷額復借臣部新餉銀一千二百四
十二兩六錢又借胡國賢原借臣部新餉存剩
銀三百九十二兩二項共借新餉銀一千六百
三十四兩六錢總計洪如鍾共實解過三營銀

四萬四千九百三十六兩二錢一分二釐魏光
緒共實解過十二次計銀八萬八千二百三十
三兩六錢四分內給三營餉銀七萬七千一百
一兩六錢四分還臣部借給各營新餉銀一萬
一千一百三十一兩九錢而魏撫疏開前後十
一次共解銀八萬二千二百四十八兩六錢二
分者蓋將四年閏十一月內委官孫學賢解到
遵宣援兵餉銀五千九百八十五兩遺而未載
也滿盤打美三營援兵共實領過楚解併部借

及遵庫等銀一十四萬三千六十兩五錢五分
三釐除前後二撫臣解過各營并還過臣部共
銀一十三萬三千一百六十九兩七錢五分二
釐再除陳學貫朱化龍下存剩楚解布花銀二
百五十二兩二錢抵作月餉外尚借欠臣部及
遵庫銀九千六百三十八兩六錢一釐前臣部
咨催二千一百六十一兩八錢者止舉借欠臣
部新餉一項而言尚未及所借舊餉并遵庫等
銀此徹底銷策之清數也各省援兵解餉無幾

楚省之多臣等未嘗不高其忠義其未補之數
自當臣部任之原未刻責其必償而美銷則不
得不一一指出清楚者也至于按臣白士麟題
助

藩上搜括銀一萬二千五百六十六兩三分內有
新軍等十一州縣銀九千四百五十八兩四錢
八分原係該撫搜括充餉之數該撫已行文解
司補庫則一餉不能兩顧明矣似應如該撫所
請仍令解司以抵借過正項者也既經該撫具

前奉相應查明覆

請未便

奉下臣部移文該省撫按藩司遵奉施行

崇禎五年九月十三日具

題本月十七日奉

聖旨知道了內白士麟一項既係充餉銀數何又題
助藩工今云解司抵作何用還明白具奏缺此

覆山永楊撫條議永鎮糧運事宜疏

題爲永鎮兵餉有緒運務維艱謹講求畫一之槩
請

勅部覆酌行事專理新餉山東清吏司案呈崇禎五
年八月二十五日奉本部送戶科抄出山永巡
撫楊嗣昌題前事內開臣移鎮永平商定經制
隨念轉運艱繁揭會該管司道及管糧通判內
開一議運法聞永平陸運歲費新餉數萬金而
運糧日少雜差孔多閒時每車月食六兩如故

是新餉一蠹也。今水運旣開而各營設有牛車
矣。某處卸糧應水運若干。用船若干。每船可裝
若干。往返時日若干。歲用船價若干。某處卸糧
應陸運若干。營車共有若干。從某至某處可行
某車可裝若干。往返時日若干。人牛糧料已定
不須別議。某處不可行。須用小車若干。每車各
裝若干。往返時日若干。應用工價若干。通共船
車等項。歲費新餉若干。一一查算明白。立成不
易之案。以便題定而行。此第一樁大頭腦不可

頃刻含糊者也一議委官糧儲原屬餉司專職
佐以管糧同知足矣而水次邊倉相距遼遠海
輪陸輓收卸同時焉能分身徧赴舊例倉委等
官求情納賄種種鑽營取償折乾盜賣雖殺之
不可止也而今仍用其人弊可盡革乎思得州
縣佐貳原有管糧之官判官主簿是也無判與
簿必是同知縣丞帶管此輩身家性命比之倉
委不同間有歲貢正途雅知自愛取之郡屬分
委任勞名義旣正鑽賄可除而其法令亦可行

于他方免車夫船戶展轉侵盜之弊此選委清
源之一道也一議盤量向者津部上疏欲將漕
糧徑運過海聽此地晒揚本院方具咨爭

明旨已先不允則此地之不可晒揚審矣但津運船
戶爲弊之祖槩不晒揚保無灌水攙沙之事乎
法當虛公分別以服其心如米豆乾圓潔淨與
原來樣米樣豆相同果無泥水沙土則免行晒
揚自是正理若失風受水與樣差除責令另堆
另晒彼亦無辭乃津門斛斗與此中斛斗未知

果否相同曾否較准畫一如以此斛收卽以此斛放則每一盤量自然畧有折耗豈能嘗如原額之數乎而况從海濱運至虎頭石運至邊倉又晒又揚從而盤量安有不折之理乎因其折耗槩責賠償不惟倉委不服卽改用州縣佐領亦不堪也因其賠償槩免晒揚又爲致弊之藪本院于此有良法焉取原米一石官晒一次驗折若干再晒一次又折若干以致三次四次各各驗准立案而後責成管運各官照此晒法折

法無溢于數外者是自然之折免其賠償有溢
于數外者則非自然之折也如數追賠彼將無
怨而揚法亦照此例官驗准而後可行于以嘉
惠窮軍兼免貽累各委是在執事者速審行之
一議守支州縣佐貳管運無辭矣若收貯在倉
必欲守支盡絕彼尚有本等職掌安能代作倉
官乎則又有法如某官派定管糧若干未運完
以前皆本官事也一升一合本官經手出納自
無所辭旣運完以後不在邊倉卽在城倉矣有

倉卽有註選倉官及令佐貳交代與之收掌而
在邊者責同城將領在城者責掌印有司三面
盤量少一合一升則原管佐貳官認賠盤量不
少則取將領有司與佐貳倉官合同甘結通申
各衙門存案而以后短少則倉官之責與原委
佐貳無干該將領有司時加防閑稽考倉官作
弊登時發覺可也至收貯之久亦必議定折耗
以一月爲準一石約鼠耗若干則經年經月千
石萬石以漸遞減而倉官亦不憂自然之折有

賠累之灾如其折在議准數外追賠亦自無憾
此則借佐領以速運稍免蠅營狗苟之私責倉
官以看糧亦無李代桃僵之患似可久行者也
等因去後隨據清軍同知帶管糧廳事常三錫
照欵呈詳該臣復批永平道再會餉司確計去
後臣復親按經制細查各信營兵應運米豆酌
派牛車小車確數條票粘單內開永中左右標
騎四營米豆俱應卸銀夯柳水運至虎頭石米
用小車豆用牛車接運至永豐倉不足則標騎

營添買騾駝足經制額內之運建冷中協白石
河徐三營米豆俱應卹銀旂柳水運至虎頭石
米用小車豆用牛車接運至建昌倉燕界中協
青山箭桿桃林四營米豆俱應卹戴家河米用
小車豆用牛車接運至臺燕二倉總計米豆除
水運外皆用小車如其不給分三截運法如運
船到少小車徑送燕建臺頭等倉是一法也運
船到多不暇徑送則建昌之糧暫停永豐倉燕
臺之糧暫停撫寧縣俟海運完日陸續運往邊

倉廩在津不苦回空之阻而在承不若照管之難又一法也如官兵不能等待則赴水次或永撫二城支領數月省車運之力更多又一法也以此三法調劑行之不獨新營之糧卽班軍之行糧亦可畢運而牛車止運料豆責各該營委一專官督運到倉主客將領監收仍按月委官支放亦非難事等因去後今據該道覆詳開揭到臣該臣覆加裁定承鎮四營于虎頭石水次就支四個月可省一萬一千七百三十六石車

脚之煩其餘小車運米大約九個月或七個月
俱可竣事牛車運豆大約四五個月或二個月
亦可竣事而運事舉矣車牛原屬各營除運豆
外自有馱載衣甲火器之事運閑而實未閑小
車七九個月之外若無事者其實七九個月之
內風雨寒暑有不能運之日水潦塗泥有不刻
之程總畢終歲之勤動以了畫一之官糧比之
前此運少差紛曠工冗食固不侔也從此行之
數年事當以習生巧或更可精研于中裒減而

此時則且未能至于委官用見任佐領以釐積
委之并盤量須官驗折數以定賠免之準收放
較津關斗斛以平出納之衡守支責三面盤結
以立侵耗之案臣愚管見止此司道又謂官驗
折數無法開銷則臣竊有

請聞省直帶運津糧每石原有加耗一斗五升若以
一斗爲抵津之耗五升爲過海之耗則收糧之
處量准加耗升合自然可補折數矣等因八月

二十三日奉

聖旨奏內各款該部看議具奏欽此欽遵抄出到部
送司相應逐款酌議具覆案呈到部該臣等看
得轉運之法軍餉第一關竅節奏宜詳固不妨
於酌劑癘弊宜起亦無憚于更張該撫鑿鑿窾
譚槩以四事析以千言無非覓一轉運之便計
綜核亦極細微曲折矣臣等就其說而覆繹之
永鎮陸運歲靡新餉數萬自河道開而力省功
倍矣其間水窮而通之以陸大車窮而通之以
小車遠近疾徐有不易之程有權變之道永中

左右標騎四營津運卹銀芬柳者水運至虎頭
石陸運至永豐倉建冷中協白石河徐三營津
運卹銀芬柳者水運至虎頭石陸運至建昌倉
燕界中協青山箭桿桃林四營津運卹戴家河
者接運至燕臺二倉小車專事米大車專事豆
此不易之程也如運舡到多則建昌之糧暫貯
永豐倉燕臺之糧暫貯撫寧縣而回空不虞遲
矣如米多豆少則牛車先濟小車之窮而輪輳
不滋情厭矣如軍饑難待則就支水次或就支

永撫而運價可節省矣此權變之道也牛車有
本等之糧料不待再計小車計運止八九月工
食以終歲計亦可從中斟酌者也糧料經手委
官必不能少此輩假猴冠而恣狼貪入則插和
出則折乾守支則盜賣盤量則掛欠誅之不可
勝誅用其人而欲革其弊必不得之數也該撫
議改委州縣管糧之佐貳雖資格不同均有功
名之想均有地方之任彼奉法謹則上之使之
也易彼行法便則彼之使下也亦易以此易委

官名義順而體統正而奸妄之耗蠹清軍大船
戶轉轉之耗蠹亦清然山永幅員亦狹全設甚
少必欲得糧官而用之恐員不備推之郡邑之
首領皆可費用要在酌繁簡擇才品無蹈委官
管束之陋耳津運船戶最爲弊藪晒楊之事津
門任之矣費有樣米樣豆以防揔和驗果與樣
相符自可不復晒楊若漕水機沙與樣不符自
應另行晒楊獨是晒楊准耗亦是平情之論乃
津運裝載準斛足發以備卸交則耗仍互船戶

任之但較準津關斛斗出納平衡卽晒場乾潔亦必實收足數寧任其有餘勿任其不足蓋解運與久貯不同難一體開耗也佐領收糧爲運計也至各倉自有經管倉官故未運完以先佐領收納旣運完以後倉官守支交盤之時在邊則將領在城則有司三面盤量務交清楚其結存案過此則倉官事如有別弊與原委佐領無與也守支議耗每年一石准耗一升適中可從稽防有法無滋鼠竊則又餉司糧廳之責也旣

經該撫條議前來相應酌議覆

請恭候

命下臣部移文各該衙門遵奉施行

崇禎五年九月十三日具

題本月二十一日奉

聖旨永鎮糧運事宜既經酌妥依議飭行欽此

覆江西解撫題報原留遼餉解部疏

題爲恭報賊退情形併陳江省用兵事定仰候

聖裁事專理新餉山東清吏司案呈崇禎五年九月初八日奉本部送戶科抄出江西巡撫解學龍題前事內稱今賊去陸已遠恐水兵之來無所用之至於吉撫之間臣已檄田知府巢通判搽山剔谷果無遺孽據各道塘報或報走背寨東流或報走武平汀州則閩地也或報走員子山或報走石窟塞銅鼓障則粵地也然賊雖走閩

粵而入贛易入吉撫亦易剿除不可不急楚之
鎮守不必復駐江右之內地須直走贛州約會
虔兵進而與閩粵之師同心奮擊不當拘拘一
巢凡其窟穴務期殲盡而動稱無賊又各弁從
來之故智必責其結狀

上聞然後班師庶乎可報會剿之

明旨而金甌永固於不拔矣至于計部新餉之三萬
兩或行粵虔各撫臣克用兵之費總候

勅下該部議覆施行而樞部驛節銀伏乞

皇上俯允臣前疏所

請留爲本省增兵置戍之用等因本年九月初六日
奉

聖旨江省流賊雖報暫遯須防復逞著該撫亟遵屢
旨會同鄰省督撫協力奮勦嚴渠掃穴早奏廓清
本內稱水兵可緩及餉銀事情該部酌議具奏欽
此欽遵抄出到部又准兵部咨同前事內稱除
水兵可緩本部議覆其餉銀事情合咨戶部煩
爲遵照

明旨內事理卽將疏內餉銀一節速行酌覆等因到部俱送到司相應議覆案呈到部該臣等看得

江右

請留遼餉三萬原因賊勢危迫會城震動一時征調乏餉而然是爲江右留非爲異地留也今該撫旣稱賊聞大兵四集遼道關軍之間前項留餉似已無所用之自當解還臣部以充目前之急需若粵虔二地俱有原設之兵自食本地之餉從來小小徵調原不必借資於內部者况賊無

定形而兵亦非嘗用又何俟江右之代爲謀也
既經該撫具題前來相應覆

請恭候

命下臣部移文該省撫按藩司遵奉施行

崇禎五年九月十七日具

題本月二十一日奉

聖旨奏內留餉依議著仍解還部欽此

覆關外豆折買馬疏

題爲酌裁料豆買補馬匹用資勦禦以回巖疆事
專理新餉山東清吏司案呈崇禎五年九月十
一日奉本部送戶科抄出寧錦巡撫方一藻題
前事議請豆折六萬兩買馬緣繇本年九月初
九日奉

聖旨該部酌議具奏欽此欽遵抄出到部送司相應
議覆案呈到部該臣等看得關寧米豆自帶運
截漕而外勢須召買乃召買一項省直無不稱

苦故臣部與各鎮日講節存日議量折無非爲
減派計俾地方少蘇困累臣部少省價值耳茲
者突聞寧撫折價買馬之議臣竊異焉夫撫臣
憤驕虜之憑陵厯綢繆之妙筭其決策於市駿
也饒有壯志其轉移於豆折也益徵若心臣部
中外相成似當勉効一臂但近日新餉蠲留已
多國牧度支各有畛域臣部之苦恐邊臣未必
深知也前津門預計疏開關外該豆二十六萬
八百五十一石二斗臣部已擬以此數派買矣

探諸關外見在馬匹此內仍有廢餘以待陸續
買到馬匹之用尚可求多於正額之外乎六年
豆折臣部方議免派以省葛藤乃復請買馬豈
問庫之藏可以扃鑰而委之臣部乎且臣部代
任關外買馬者不一而足水兵裁汰歲留一萬
七千兩買馬三年爲止無馬馬兵每名月扣銀
二錢買馬歲約得銀四五萬亦頗不貲而今復
索豆折六萬從此各邊無庸問庫之金錢矣想
寧撫謂此豆價原係缺額之數非分外之索不

知新餉從來互有增減難以預料其增者臣部受之其減者亦臣部受之若處處取足而溢出者何以四應則裒益之路斷而接濟之術窮矣蓋折豆以秣馬則可折豆以買馬則不可寧撫徒見臣部之有餘而不知臣部之不足此議斷斷乎其不能從者也既經該撫具題前來相應
覆

請恭候

命下臣部移文該撫遵照施行

崇禎五年九月十八日具

題本月二十日奉

聖旨依議欽此

覆河南留餉疏

題爲三晉流賊之患急救已自後時中原震鄰之
憂早防猶可爲計近就已奉之

明旨所飭廷臣一一速應爲晉早圖救寧并慮蔓延
之勢將及中土更互萬分隄防事專理新餉山
東清吏司案呈崇禎五年九月十二日奉本部
送准兵部咨該兵科都給事中汪始亨題前事
內稱河南懷慶府去澤州界六十里衛輝府去
澤州陵川縣二百一十里相距僅一太行賊據

太行之頂臨下有若建瓴官兵守太行之險
上每同射覆况官兵既無勁敵措費又不以時
越山而來則中原禍起每每賊所蹂躪之地
既不支又必請餉請兵不惟應供之徵輸難問
抑且釜炭之赤子何辜臣以爲河南酌留之新
舊餉常半以助襄葉之勦資半以應衛懷之捍
禦賊若近中原一步則守防之道臣無所逃罪
而調度逼抑河南撫按自當以全力待之矣等
因本年九月初八日奉

聖旨晉賊日熾亟須撲滅張宗衡著速赴行間調度
殲剿不許稽延張應昌奉旨已久今尚在何處也
著嚴催查奏據稱賊勢漸逼河南該省撫鎮等官
恭銳圖禦擊毋致流突本內置帥留餉及議處失
事將領責成各道有司協應分守等事條議來行
宋統股已有旨了該部知道欽此欽遵恭捧到部
擬合就行爲此合咨貴部煩爲遵照

旨內事理希將留餉一節議覆施行等因到部送
司相應議覆案呈到部該臣等看得河北懷衛

通隣晉地賊犯澤州去濟源輝縣一太行之
耳其視葉襄之賊猝然而起勢焰未張羽翼未
成與官兵一接而披靡者不同則備懷衛尤急
於脩葉襄也前臣部題覆中州賊勢披猖疏許
於新餉內約照江西三萬之數酌量扣留此中
原有餘地正自不必取盈臣部前疏已及之魯
幾何時而葉縣有底定之機臣部方慮留餉之
無用曾幾何時而濟源有震隣之虞臣部又慮
留餉之有用孰意科臣已先得臣部之同然也

或脩剿資或資捍禦總在臣部前疏題留之中
相緩急而多寡布之是在該撫按之權衡耳萬
一徼

皇上之威靈晉中流寇旦晚撲滅葉襄濟源俱獲安
堵卽以此銀歸還臣部亦何不可大都設防設
脩地方自有料理留餉不過濟急一著若專事
呼籲而覬留無已恐四方多事臣部亦應接不
暇矣旣經兵部咨會前來相應覆

請恭候

命下臣部移文各該衙門遵奉施行

崇禎五年九月二十日具

題本月二十二日奉

聖旨近來地方剿禦專恃蠲留殊非長計這河南留
餉既有成議卽著該撫按隨宜飭備實圖保障不
得虛糜無益如能蚤奏輯寧仍還部額者以幹器
紀叙欽此

覆島帥黃龍請糧餉布花疏

題爲目擊秋高時迫疾首焚心謹再瀝軍中情形
從實呼籲仰冀

聖明速賜接濟以消危殆以遏禍源事專理新餉由
東清吏司案呈崇禎五年九月十九日奉本部
送戶科抄出東江總兵官黃龍奏前事內稱數
月以來賴

皇上軫念海外部臣輸運動渠前後共發糧米四萬
三千八百餘石臣轉運皮島二萬石及各島共

二萬三千八百餘石散給無餘矣然而米粒之外布花與一錢絕無也臣頃具有海運時日有限一疏於七月二十二日拜疏上船候風至八月初三日始行臣念海上艱難如此竊恐再稍遲延則今冬之糧運必誤况今日下衆兵窮苦已極能保其萬人一心乎此皆真事真情臣非敢過爲危論以徼

皇上之命伏乞

皇上將臣前疏速一

省覽卽日下部仍速飭内外部臣計時日之迫念安
危之機蚤將銀米布花接濟庶人心鼓舞而殲
叛有期矣臣前疏已詳本當待

命緣以時日太迫不得不再爲之

請等因本年九月十八日亥時奉

聖旨速給島糧已有旨了曾否發完併銀兩布花應
有舊例著查明速奏黃龍著遵屢諭鼓率兵將威
扼奏功以膺懋賞該部知道欽此欽遵抄出到部
送司相應查覆案呈到部該臣等查看得本年

津運昂糧原派六萬五千九百零八石內因四年預運過六千石除前後如額運足外仍照上年例預運六千石以期接濟此八月十六日覆黃龍預計額運疏奉

旨通行者也續准津撫鄭宗周揭稱鮮運業已告完是前此之題發俱經發完無欠臣部前疏亦明言之矣九月初七日又該黃龍具海運時日有限一疏臣部覆議令津門於預截關寧明年米內再發一萬石其折色行東省於留餉內酌給

接濟奉有作速運給仍將起發日期併取實收報部之

旨臣部遵卽飛檄督發去訖雖未經據有報完之文然津撫留心解運目下諒必及時發運以仰副皇上軫念窮島之至意也茲奉

明旨除再行天津山東各巡撫催令給發本折俟取實收到部另疏題報外至于島兵布花一項查天啓年間以及崇禎元年津門每歲帶運青白藍黃布二萬疋二年兵減布亦因之三四兩年

登撫設鎮津不復運此島兵援衣之例也花則從來無之昨七月終黃龍有布花抵餉之

請臣部酌量兵數議給色布萬疋還以舊例之所有又推廣

皇仁議給淨花萬斤優以舊例之所無八月初一日覆奉

欽依隨即發銀三千三百兩解交津門分投買辦陸續運發總因航海險阻必須乘風候汛勢難驟達該鎮臣孤懸絕島慮冬春之凍餒望接濟如

雲霓誠恐前呼未應不憚後呼疊至殊不知臣部隨呼隨應斟酌接濟無非爲

朝廷鼓勵將士以期蚤奏恢殲之膚功耳既經鎮臣具奏前來相應查覆恭候

命下遵奉施行

崇禎五年九月二十一日具

題本月二十二日奉

聖旨知道了天津山東應發錢糧著該撫速行發兌仍令各自回奏欽此

覆貴州梁巡按題留生員優免疏

題爲查叅生員優免新餉報解逾期以信

功令以濟匱乏事專理新餉山東清吏司案呈崇
禎五年九月初三日奉本部送戶科抄出巡按
貴州監察御史梁炳題前事議將崇禎五年分
生員優免銀五百九十餘兩留貯地方府庫爲
建學修射預儲武備行提學道躬督有司聚練
生徒擇府州縣衛生員膂力剛勇多則五十人
少亦不下二十人報名習射或各精器械足備

戰守稽其勤惰嚴其賞罰修孝悌忠信以親生
死長可使制挺以撻堅甲利兵斯亦黔中善後
之急圖也等因本年九月初一日奉

聖旨戶部覆議具奏欽此欽遵抄出到部送司相應
議覆案呈到部該部等遵奉聖旨中自逆酋殘破
之後元氣未復軍器倉庫於草莽青衿僅存孑
遺而部屋之蕭條武備之廢弛可知也該按臣
梁炳慨然有聚練生徒之舉寓收拾於振作之
中洵善後之急圖矣然建學修射預儲武備不

能以空談從事而縣中彈丸一隅諸費無奏一切軍興多藉資於隣省故按臣欲請留生員優免一年以收講武養士之功查該省優免一項歲不過五百九十三兩三錢五分八釐除三四兩年共一千一百八十六兩七錢一分六釐已解部銀八百四十三兩七錢六分存庫未解部銀三百四十二兩九錢五分六釐俱行盡數解部外其所議留者止五年之五百九十餘兩耳以通省之優免而僅得此數以巡方之規恢而

僅覩此數真不足以當中原之一大縣矣是
數不多無關臣部盈詘之數姑准留之黔中以
佐按臣作人之盛美蓋天末遐荒夢湏留用臣
部不便中制也其各省直不得比而同之臣部
亦難槩而應之矣既經按臣具題前來相應覆
請恭候

命下臣部移文各該衙門遵奉施行

崇禎五年九月二十一日具題本月二十四日奉
聖旨是欽此

題預徵六年加派三分疏

題爲循例預徵以濟冬春缺乏事專理新餉山東
清吏司案呈查新餉加派每歲秋冬例題預徵
三分以備冬春接濟今時值季秋相應照例題
請案呈到部該臣等看得省直加派止有此數年前
預徵三分則本年便缺額三分且窮冬之際入
額未必圓滿新歲之初外解未必輻湊而關寧
薊永等鎮數十萬兵馬嗷嗷而待哺者月需餉
銀四十萬按期奏發時不容緩故所賴接濟於

預徵三分者勢誠急也當此四方多故之秋臣等非不欲用一緩二以示休養而無如題留過多軍興孔棘何也伏祈

皇上垂念兵食大計

勅令省直諸臣將六年加派照例預徵三分近者歲前解部遠者新正解部倘有怠緩從事缺額逾期者則有歷年查叅之成法在經管諸臣多有已經彈射者誰不凜凜於

功令也至于宦室富民尤須倡義先輸胥黥戶

不得骹法作奸併一應平秤兌革火耗寓撫字
於催科俾餉有裨而民不擾是在各該撫按申
飭有司加意力行耳若京邊舊餉見徵者務完
十分壓徵者預完五分臣部久有成議屢經申
飭亦當如期起解不可延緩者也恭候

命下臣部通行各省直一體遵奉施行

崇禎五年九月二十二日具

題本月二十三日奉

聖旨這錢糧徵收分數依議通行各撫按嚴督有司

如期起解不許虧延仍將疏內三項榜示通衢使
小民悉知欵額如有貪官奸吏朦朧科派加增耗
贈致滋困擾者叅來重處不宥欽此

覆錢法堂題請南部解還代進制錢疏

題爲

制錢代進不情補還勢難久緩懇乞

嚴勅南部照例補解以平人情以昭公道事專理新
餉山東清吏司案呈崇禎五年九月初四日奉
本部送戶科抄出本部署督理錢法右侍郎周
士樸題前事內開查寶泉局恭進

制錢始于天啓二年秋季每季止應進錢一百五十
萬其一百萬係代爲南部進者簡當日原疏緣

南部零進不便故歸併寶泉代進但責南部續
解補還歲約銅價銀上六千八百兩而工料銀尚
在外也數年來止解銀六千八百兩至崇禎三
年冬季積欠五萬七千八百兩內止收過一萬
一百兩正在行催南部臣以軍餉不足動色呼
籲本部不得已免其已往之欠數已屬厚幸復
緩其將來之補還實大有不便于本局者益

代進費多心力猶幸及時補還不至虧本今寶
泉局出資而爲之製復昧昧焉出力而爲之進

本息兩無裨益担任實非情願此合局所以鬱鬱不平久欲有言而今計無復之患不能待也蓋補還緩期原爲不足今考成立而倉有餘粟矣米折行而庫有餘銀矣清兵覈餉而食無冗冒矣新舊之爐并舉而局有餘錢矣則補還銅價恐不可遲之三年後也旣借鑄局以生發便當分任局中之事勿謂南可獨逸北可獨勞也旣爲

功令所兼收便當自靖此心勿謂人可代我所無

我而坐擁所有也伏乞

皇上查照卽不敢以恭

進之事委之南部已燭之銀撮之齒頰以過分畛域而補還三年以後之銅價俾代進茹苦之官役不致以賠累向隅是亦平情平政之一端也等因本年九月初二日奉

聖旨該部覈議具覆欽此欽遵抄出到部送司相應議覆案呈到部該臣等看得南北各設園府各有應進

制錢此固義所當然無容諉卸者也祇緣錢重道遠南部不便季進如期于是代進還價之說行焉自天啓二年以迄崇禎三年臣部之代進者季不敢緩而南部之解還者十無一二計積欠銅價銀五萬七千八百兩卽續經解銀一萬一百兩然內有屯糧銀七千非盡銅價之數也三年冬月南督臣呂維祺謂南庾匱乏大聲疾呼有留事例屯糧關稅之

請臣部覆議免其從前積欠并三年錢價議俟三年

後補還原出萬不得已非有餘力以芸人也
幾而南部復開新廠廣設爐冶兩局並興獲息
倍饒則鼓鑄有餘錢矣楚餉旣還考成復立米
折載行絡繹輸將則倉庫有餘蓄矣今屈指已
逾二載計代進者又該銅價銀一萬三千有奇
倘再久假不歸無論舍已芸人力不能繼而偏
勞偏逸抑亦非政之平此同官周士樸署督錢
法有慨于衷而爲是補還之

請也今議自崇禎五年冬季爲始臣部仍舊代進南

部照數解還度北局之獨勞者猶不苦于賠累
而南局之獨逸者尚不失于急公矣既經同官
具題前來相應覆

請恭候

命下臣部移咨南計臣遵奉施行

崇禎五年九月二十日具

題本月二十六日奉

聖旨依議欽此

覆議南陽量免新派三釐疏

題爲加派原有成規代任大非通論懇祈

勅部酌議以遵

明諭以垂畫一事專理新餉山東清吏司案呈崇禎
五年七月十二日該本部題覆尚寶司等衙門
司丞等官劉之鳳等奏前事七月十五日奉

聖旨錢糧應有定制這南陽加額攤派屢更及因互
爭輒調停量免致虧公課豈裕餉長策着再行確
議奏奪欽此欽遵抄出到部送司正候確議具題

間續奉本部送河南鄉紳劉之鳳等公揭內稱
議得南陽加派一事職郡七邑業有公疏

奏明無容再贅今戶部覆奉

明旨再行確議竊惟加徵裕餉凡諸臣子誰無急公
之義惟是中州今歲霖雨爲災田禾盡付洪濤
村落一望丘墟流離載道餓殍盈野加以葉縣
裕州舞陽等處賊勢猖獗周流焚劫見今調集
官兵逐處征勦師行糧食帑庾正苦燃眉昨職
鄉復具公疏尚且請議賑蠲請議積貯請動已

徵之新餉以濟軍興之需已蒙

聖恩賜允况此額外之加派萬萬不能措辦伏乞具
覆免派恤此一方民命庶腹心之地安而天下
舉安矣等因到部奉批新餉司查議題覆奉此
相應確議覆

請案呈到部該臣等看得軍興加派原非得已故臣
部凡遇地方請蠲每每爭執未肯曲徇而自貽
匱乏之戚也惟是南陽一府以昔日原派九厘
論畝偏重卽撫梁應澤於新增三釐見

聖諭有照糧照銀不妨因地制宜因議改照畝爲照糧而以照糧所遺之餉洒派七府此南陽派額更張之所自來也未幾而七府鄉紳劉之鳳等皆以代輸不堪合詞堅拒將三萬有奇之額餉兩不相任臣等左右籌維遂不得不曲爲調停酌量減免以求彼此各得上下咸宜耳

皇上慮虧公課著再行確議計惟有仍以南陽之三釐還責之南陽耳已而諸紳劉之鳳等具揭稱葉縣裕州等處靈雨爲災賊勢猖獗見今征調

煩興欲求全免以恤此一方民命臣竊惟前此
之議量免者尚未聞葉縣之變也今賊尚未平
所在震驚方且留餉以供賑勦又安敢較量此
三釐之盈縮哉臣等反覆思之兵急爲兵缺餉
固所當慮而民急爲民竭澤尤屬堪虞瞻彼顧
此終不能舍量免之說而別有區畫也合無仍
照前議南召縣原係灾疲准免一釐五毫其餘
州縣俱量免一釐通計南陽府屬照舊額增加
三釐該銀四萬四千五百七兩四錢四分一釐

內除南召縣先免一釐減銀三百二十一兩二錢四分三釐今又再免五毫及各州縣俱量免一釐共減銀一萬四千六百七十五兩一錢九分一釐五毫實該新增銀二萬九千五百一十一兩六釐五毫蓋部額減此萬餘金猶可勉強支吾而宛民減此萬餘金頓覺少蘇疲困誠不能不徵

恩於浩蕩矣伏乞

勅下臣部行文該省撫按藩司遵奉施行

崇禎五年九月二十二日具

題本月二十九日奉

聖旨加派既有定額豈得紛紛屢更這南陽議覆減
派不准行欽此

覆山東留餉疏

題爲留餉原

請其全支用僅獲其半懇乞

聖明速賜撥補以收戡定之功事專理新餉山東清
吏司案呈崇禎五年九月二十一日奉本部送
戶科抄出山東巡撫朱大典題前事內開據山
東布政使司左布政使陳應元銷筭東省題留
加派襍項遼鎮等新餉錢糧緣繇到臣該臣會
同監視登島太監呂直巡按御史謝三賓看得

東牟之亂蓋因從前失筭以有用之兵置無用之地而因以有用之餉養無用之兵究且不得兵之用而受兵之害是并不得餉之用而受餉之害矣自兵變後遂題留養亂兵之餉以餉勦亂兵之兵乃所留者一百三萬有奇而實存者止四十九萬餘兩料糧交馳已八閱月其間屯儲糗繕器甲市戰馬留車牛募土著贍客兵千里饋糧十鍾而致一鍾之用幾番敗衄一軍而費數軍之需及今計之已於四十九萬之外透

支司庫銀九千九百餘兩矣而青登萊各屬之
支用者未報也兗州府十七州縣之支用者未
報也七八兩月續兌之馬匹續派之糧料未報
也雖蒙撥補優免銀四萬兩而被兵之屬不便
嚴催解部之銀又屬虛數卽一一催完不足九
月行糧之用况未能旦夕卽完乎而爲善後設
防計又寧自九月而止乎且島餉八月未支共
該銀九萬七千餘兩部議固云酌給豈能毫不
與給乎今政責以出海堵賊又豈能靳之八月

以後乎計非補足原題之數斷不能爲

平

皇上完此一局已在爲山九仞之時政值中流一壺
之際臣等不能爲無米之炊該司不能掘臨渴
之井倘至叫癸而呼庚豈不懲甲而苾乙夫動
七鎮之士馬連八月之師千殲數萬之逆醜恢
二郡之土宇救百萬之黔黎而所請所留不過
此數原非濫觴况以本省歲入之銀完本省非
嘗之事事平而銀不他貸也以本鎮養兵之額
餉除本鎮食餉之亂兵兵去而餉可還公也較

之他處請

大內之帑金乞他省之協濟者大不同而可以全數
許之以半數靳之乎伏乞

皇上於六年前餉之中准其扣給以足原額之額早
收平定之功此萬萬不容已亦萬萬不容緩者
倘或吝惜不予接濟中斷致有意外之虞臣等
不敢任受過也等因本年九月二十日奉

聖旨該部看議速覆欽此該戶科叅看得山東溝壘
關天下之要而安危倚焉近日萊黃之捷使咽

喉幾塞而復通肱臂久痿而再振非細故也乃
九仞垂成而一壺獨缺在事者真不能無米而
炊矣每見一方有事尚且仰額

帑金旁求協濟今以如此事當如此時所留者止
是本省之糧所請者不越原題之數尚容全許
之而半靳之乎且是餉也前此養叛卒而齎盜
糧反給其全今茲奏膚功而收完局可靳其半
乎況今逆賊負固登城留兵善後所費正是不
費所繫正是不小也抄出速之到部送司相應

勅從崇呈到部該臣等看得東省用兵臣部所
題留者初未嘗不寬然有餘無奈浸尋八月幾
餉失利前此糜費者已委之無用之場迨今萊
黃秦捷乘勝長驅登賊授首在指顧間而軍前
度支及憂不繼也據該撫通計留餉一百三萬
有奇者括該省加派襍項新餉及遼鎮民運之
全額而言也臣部原題先除去預徵解部工部
分餉德州兵餉買運津糧登萊扣免止該留用
七十二萬二千八百餘兩今該省又除去遼鎮

壓徵青州徑解登萊不解止實得四十九萬五千九百餘兩較通省之額雖差五十四萬三千七百餘兩較臣部題留之數止差二十二萬六千九百餘兩乃臣部業已補過優免四萬餘兩矣况壓徵者亦有完解之候徑解者委係軍前之需不解者豈無安堵之區實計與臣部題留之數亦不甚相遠也當此一贊垂成之際秣厲更須殷勤費用舉是實際臣部方嘉與諸臣共奏膚功豈前顧予之而今顧靳之乎該撫欲於

該省六年新餉內補足原題之數臣部泛應之
六年之內恐徵輸尚遙無濟緩急查六年東省
先後加派新餉共計額銀七十四萬一千一兩
七錢三分零內除工部分餉二萬兩德州新兵
餉銀二萬兩又除登萊二府另議起徵外約該
預徵三分銀一十八萬八千有奇原係歲前解
部之物今始留供該省進勦之資登坂釜魚穴
鼠旦夕卽得斷無持久匱財之虞不則前留遼
鎮壓徵民運亦可相繼徵輸以續預徵之窮若

善後之著又作別論非僅以此而結束事之全局也既經具題前來相應覆

請恭候

命下臣部移文各該衙門遵奉施行

崇禎五年九月二十三日具

題本月二十四日奉

聖旨據朱大典奏該省兵餉透支已多且島餉九萬全未給發今止議留預徵銀十八萬是否足用還著再行酌議速奏毋誤急需遼鎮壓徵民運原屬

何項額數併著奏明欽此

覆議東省留餉疏

題爲留餉原

請其全支用僅獲其半懇乞

聖明速賜撥補以收戡定之功事專理新餉山東清
吏司案呈崇禎五年九月二十五日奉本部送
戶科抄出本部題覆山東巡撫朱大典題留六
年新餉補足原留額數緣繇本年九月二十四
日奉

聖旨據朱大典奏該省兵餉透支已多且烏餉九萬

全未給發今止議留預徵十八萬是否足用還著
再行酌議速奏毋誤急需遼鎮壓徵民運原屬何
項額數併著奏明欽此欽遵抄出到部送司除先
行東省遵照外相應再行酌覆案呈到部該臣
等看得東省留餉該撫請益而臣部止以預徵
十八萬應者非謂以此便結束事之局也如登
叛目前可得可無持久費財之虞不則接以民
運不則又作別圖臣部前疏已著著先言之矣
蓋徵者非一猝而徵用者非一猝而用以前之

虛糜可憂各省之援請難繼故區區斟酌如此
不謂

聖明果見其不足也該省兵餉所云透支已多者據
徵過四十九萬之數而言非於題留七十二萬
之數有透支也此中有民運十三萬三千三百
九十四兩三錢原係東省舊餉徑解遼鎮者自
遼陽失陷寧錦俱食新餉將此民運撥補新餉
之額近年以來胥爲登島月餉之用故題入留
餉之中卽有一二殘破地方不能如額全徵亦

非虛懸之數也且五年歷徵於六年者有餘
四年之歷徵於五年者何往似亦可充兵餉之
用也又况該省孫元化所遺原有見貯馬乾銀
八萬餘兩又在題留七十二萬之外今不知亦
在四十九萬之內否也島餉九萬似亦未必一
頓全發也該撫動色匱乏亟爲呼籲想以大兵
之後徵輸未必應手故寬然計之耳臣等仰體
睿慮推廣前疏於預徵三分外再益以預徵二分計
銀一十二萬五千八百餘兩則共計三十餘萬

矣前此東省連八月之師用餉四十九萬良以
軍興之始凡繕募安家俱在其中此後月餉想
與前浩費者諒自有間省直預徵原止三分而
東省不得不加至五分臣部調劑于軍急民困
之間萬不得已而出于此蓋計畫無復之矣又
援兵月餉近已題奉

明旨扣存臣部萬一需用甚急接濟不前則此項援
兵月餉不妨酌移數萬以與之而臣部措處已
更無餘地矣及查該撫合算支銷之數中有置

器市馬種種諸費揆以職分則市馬屬兵部自有該省驛站節省置器屬工部自有該省分餉似亦可酌量留用該省院司仍當再有分別若一切軍興俱取之臣部而兵工二部猶得晏然安享其有恐亦非情理之平也既奉再行酌議之

旨相應覆

請恭候

命下臣部移文該省撫按藩司遵奉施行

崇禎五年九月

題本月二十七日奉

聖旨東省預徵錢糧分數依議著地方官催解軍前
應用其續籌接濟事在爾部速圖戡定責在行間
不得匱乏虛糜致有債誤馬乾一項著該撫查明
島餉亦須速給以資協剿共奏全功欽此

題催五年分新舊兩餉文冊疏

題爲

聖壽屆期入

賀伊邇

天語炳若日星

功令空飭畫一事新舊二餉司案呈案查崇禎元
年十月內本部接出

聖諭朕惟京邊錢糧原國家正賦加派遼餉係軍國
急需我百姓胼胝奉公未嘗不完乃一人有司多

方稽誤或雜項挪借或胥吏侵漁或解官沉閣以
致運解愆期司農告匱三軍枵腹九塞呼庚朕軫
念邊士夙夜焦勞各省直司府州縣等官恬安積
習若罔聞知豈真聾瞶賸既不辦國家之緩急良
繇各競私營等封疆若秦越藐玩功令視申飭同
弁髦謂朕有不必盡行之法故也朕已有屢旨責
成撫按督催叅罰爾部再通行申飭該直隸各府
及各省布政司每項錢糧起解卽以起解日期及
解官姓名先行報部該撫按于每季終將本季解

過錢糧若干通行造冊奏報以便稽查然歲終無
完欠總冊照應恐解官侵弊猶未肅清每歲朕壽
節之期司道官一員進表著該布政司府將各州
縣歲內完欠錢糧造簡明文冊分爲二本以金花
京邊爲舊以加派遼餉爲新贓罰銀兩造入舊冊
督撫軍餉公費造入新冊交進表官彙報部科爾
部據以叅罰奏咨吏部全完者紀錄優擢逋欠者
分別革職降調輕重處分其有侵漁染指情弊特
行提究以爲欺公藐法者之戒朕又思布政司關

錢糧出納

祖宗朝設立左右二員良有深意左布政職事頗煩一應錢糧文冊右布政協同磨勘不許推諉或兩員內偶有員缺其一員卽遇陞遷公事亦不得徑離職守使吏胥因緣爲奸諭頒之後爾內外大小臣工協同遵守朕一稟

祖宗之成法以飭久玩之人心憲典具在朕不能私欽哉故諭欽遵在案今當

聖壽伊邇蒿呼在卽所有崇禎五年一應解過各項

錢糧完欠文冊又當彙報之期相應具題通行
催報案呈到部該臣等看得竊惟入

賀之使俱令順帶錢糧完欠文冊著爲

功令良有深意蓋尋嘗于役卽約束告戒未必齊

一惟此齎捧一行致

嵩呼而竭趨承慮無不踴躍先赴以効媚茲者於以
按冊籍而昭懲勸法至善也今崇禎五年十二
月各省直司道府佐等官又當入

賀之期合著各該司府將各州縣五年歲內錢糧備

造起解過完欠并三四年未完數目簡明文冊
二本一本以金花京邊會議汰冗賦役并贓罰
銀兩爲舊一本以加派遼餉襍項并督撫公費
爲新各造冊交進

表官彙報部科以便臣部會同覆核分別完欠分數
照例題

請罰治其應紀擢降革等項咨行吏部查照輕重處
分度

功令不致弁髦而軍儲早得接濟矣恭候

命下臣部移文各省直巡撫都察院轉行各該衙門
一體遵奉施行

崇禎五年九月二十七日具

題十月初三日奉

聖旨是欽此

覆永鎮經制疏

題爲欽遵

召諭合奏永鎮經制事戶部新餉司兵部職方司案
呈先該兩部合奏永鎮新兵經制緣繇本年八
月十三日奉

聖旨永鎮經制錢糧原有定額奏內頓溢本折十餘
萬似此增加將何底止該部再行會議詳確來說
欽此欽遵隨卽咨行山永巡撫覆議詳確回咨
以憑會題去後九月初三日該撫楊嗣昌咨覆

戶部內稱永鎮自去秋撥發兵馬紛紛撤調至
今秋八月則踰年矣續調增防之兵使經制尚
無畫一暮四朝三何時而已此本院之所深懼
無以重邊守而鼓士心也遵

旨確議會奏幾經斟酌躊躇知一萬八千之未爲至
足而不敢更浮懲前次則例之茫無指歸乃細
加裒益兩部看詳合覆已蒙深鑒苦心無不依
允惟疏未總計今次經制較前次經制歲增廩
餉草乾米豆若干多此一段致煩

天語詰問耳不知前次經制原無厚餉等項則例此
段數目乃貴部約畧兵馬筭之非有頒發會同
之定額也所以前次

明旨但列營伍不開則例終非畫一還著該撫同監
視悉心詳議酌妥速奏今本院會奏正遵

前旨于營伍中開則例耳而計兵計馬稍有增加則
亦事理灼然顯有可據如永平一城雖號腹地
建燕二路實係衝邊一牆之外舊爲虜穴通州
廣衛別無限阻奴犯關寧尚是弓弛直闖建燕

竟是弓弦此中外所共知共慮者也計建昌一路邊長一萬五千二百五十八丈九尺今設建冷白石河徐桃林四營官兵八千五百內冷口瓦窪坡等處前議二千今增一千石門白道子等處前議一千五百今增五百一則奴騎出沒之衝一則中協交界之所不得不量增之其河徐桃林仍舊未增也燕河一路邊長一萬七千四百四十八丈八尺今設燕界青山箭桿三營官兵三千六百較前議川標界青山三營共三千

八百內虛懸二百尚減去之未嘗議增此路兵力不足以東路協守兵輔之不敢增也永平鎮城前議中營一千二百左右兩營各一千今議俱爲一千五百永道標騎營前議一千今量加四百此城與山海薊門相望一面臨邊一面控海不特有警張皇卽今無事彈壓宜宿重兵以爲諸路腹心兼備緩急策應而今止設五千九百勢有未足將用撫鎮標兵相機緩急更番協防不敢增也兵增三千其實如此總計則見多

分防則見寡至于馬騾牛數前議一千三百四
十四匹頭今量增六百四十六匹頭逐營細分
各有裒益永鎮一殘於遭虜再敝於侵凌三苦
於督撫之鞭長不及四牽於總兵之節制未專
以此諸事茫然未有成緒本院從頭更訂徹底
講求語多似激似煩不敢辭勞辭怨定此則例
亦頗艱難深望內部同心仰達

天聽首明前未定額次請分地查兵則兵馬之勢不
得不增而本折之因有附益自在

聖明洞鑒中矣一事往復已久目今奴報頻仍蚤定
兵食大計庶便責成戰守等因咨覆到部奉批
新餉司查議題覆奉此相應會同兵部詳議合
覆案呈到部該臣等會同兵部署部事左侍郎
楊一鵬會看得永鎮經制前該山永撫臣楊嗣
昌酌有定額續因臣等較量先後增減之說致
煩

明旨詰問然前次經制原屬未定不妨量爲請益卽
各鎮久有確議者亦不得援例妄加臣等前疏

已明言之矣蓋昔年建牙制閭東顧關寧西顧
薊密永平爲鞭長不及之地故燕建一帶較中
西協地不狹勢不緩一則重兵碁置一則落落
單虛守望均而輕重遠不相及自援凌後撤調
紛紜益覺茫無可稽茲者撫臣分信安營畫地
議守增兵三千七百名增馬六百四十六匹斯
亦幾經斟酌矣查其增兵一增於建冷之一千
五百一增於白石之五百緣冷口一界之外卽
通虜穴已已之變奴酋出沒于斯是永鎮第一

衝要而白石逼鄰中協接壤之地瑕隙易乘故
原議二千五百今增爲四千五百扼塞鍵関此
該撫之所必不肯減而臣等之所必不敢減者
也河徐桃林仍議兵三千五百未增也燕界青
山箭桿原議兵三千八百今併虛懸之二百而
減之此路兵力不足仍借輔車之勢于臺頭亦
未增也一增于鎮城中左右三營一千三百永
道標騎營四百鎮城爲諸路腹心固宜宿重兵
以備緩急資策應而中左右三營前議中營一

千二百計左右各一千計亦已微分輕重今議
中營增三百爲一千五百左右二營各增二百
各一千二百以次于中營可也道標止求精銳
不須過多仍舊一千可也鎮城東接山海西望
薊門緩急聲勢可以相通該撫有撫鎮標兵相
機協防之議則調遣不乏而彈壓可資矣若馬
騾牛增六百四十六匹撫臣原稱步多騎少故
增此數而步兵之偵探鎮城之出哨俱取足焉
但該道標騎營驟增馬四百匹似覺過多今既

減兵四百馬亦如之實增馬騾牛二百四十六匹頭隻耳計臣等此畚擬議較該撫增定者減兵千名減馬四百歲省餉銀一萬七千七百六十兩米六千石草乾銀三千二百四十兩料豆五千七百六十石該撫於不得不增之中增有如許臣部於不得遽減之中減有如許總計則見多分地則見少終不敢以節省而掣綢繆之肘也其大糧兵見在二百四十六名鹽菜兵見在五千五百三十六名附于經制之外逃故病

老者兵除而塩菜大糧與之俱除則將來之減損可補今日之增加其議甚長餉司該道每月一報無使俟之異日者仍託之空言也該鎮經制往返持議幾閱年所急空蚤著畫一使封疆之上有所據以責成矣既奉再行會議詳確來說之

首相應合議覆

請恭候

命下臣等行文各該衙門遵守施行

計開

永平鎮

駐防建昌路

建冷白石河徐桃林四營

總兵叅將中千把總等官四十二

員

百隊馬步兵丁八千四百五十八

名

馬騾一百五十匹頭每匹頭月支

豆一石二斗四五六七八月放
青每匹月支乾銀六錢九十月
採青每匹月支乾銀三錢十一
十二正二三月每匹月支乾銀
九錢

牛四十隻本折每隻較馬驟減半
支給

歲共支廩餉銀一十五萬五百七
十三兩六錢

米五萬七百一十二石

草乾銀一千三百七十七兩

料豆二千四百四十八石

永鎮中左右三營額設官兵三千九

百員名

副總兵中軍遊擊千把等官二十

二員

百隊馬步兵丁三千八百七十八

名

馬騾一百八十匹頭

牛三十隻

歲共支廩餉銀六萬九千八百八

十四兩四錢

米二萬三千二百六十八石

草乾銀一千五百七十九兩五錢

料豆二千八百零八石

駐防燕河路

燕界青山箭桿三營

總兵都司中千把總等官二十三

員

百隊馬步兵丁三千五百七十七

名

馬騾一百四十匹頭

牛三十隻

歲共支廩餉銀六萬四千六百七

十八兩八錢

米二萬一千四百二十六石

草乾銀一千二百五十五兩五錢

料豆二千二百三十二石

永鎮標騎營

都司中軍千把等官十員

百隊馬兵九百九十名

馬騾一千匹頭

歲共支廩餉銀二萬三百一十九

兩六錢

米五千九百四十石

草乾銀八千一百兩

料豆一萬四千四百石

以上十一營通共官兵一萬七千員

名馬騾一千四百七十匹頭牛

一百隻歲共支廩餉銀三十萬

五千四百五十六兩四錢米一

十萬一千三百四十六石草乾

銀一萬二千三百一十二兩料

豆二萬二千八百八十八石

崇禎五年九月二十八日具

題十月初三日奉

聖旨永鎮兵馬錢糧既經酌定併開報減補事
依議欽此